



Ir die verorz

denten/der Vier Stänndt/
gemainer Lañdtschafft/des
Erzherzogthumbs Osterreich
vnnnder der Enns.

Embieten den hochwürdigē
Fürsten/Erwürdigen/Erz
samen/Geistlichen/Wolge
bornen/Gestrengen/Edlen/
Vestten/Fürsichtigen/vnnd
Erbern Weisen/vnsern Ge

nädigen fründtlichen/vnd gūnsstigen Herrn/vñ gūten Frūnds
ten/n/allen vnnd yegelichen Preläten/vnd Buesterschafftē/
Grauen/Freyen/Herrn/Rittern/vnd Edlen,darzue Phāndt
schaffter/vnd denen so khewoff auff widerkhwoff haben,dar
neben auch Stetten vnd Märckhten/gemelts Erzherzog
thumbs Osterreich/Vnser guetwillig dienst/freūndtschafft
vnd gueten willen zūuor.

Erzellung Irö. Kü. Ma. vñ daz. zc. Fürtrags: nordurfft der sachen vnd begerns.

Ans zweiffelt nit/Ir alle/vnd sonderlich die/so auf yetz
gehalltnem Landtag hie zū Wien/des Montag nach Letare/
diz gegenwürttigen Zwayunddreissigsten Jars/gewest/seyt
ingedenugkh auch Ir/die andern/so gleich wol abwesennde
beliben/seyt bericht vñ wissendt/der Römischen/Hungrischen
vnd Behamischen Kü. Ma. Erzherzogen zū Osterreich zc.
vnnsers aller genedigisten Herrn vnd Landtsfürsten/tressen
lich fürtrags/so gegen der Fünff Niderösterreichischen Erb
lanndten vnd der Graffschafft Görz Besamlet/Ausschüssen/
vnd Gesandten zū Innsprugk/vnd nachmals ainer Ersamē
Landtschafft hie beschehen/darinnen Ir Kü. Ma. aus gne
digem getrewen gemüet/vnd vätterlichen willen/den Ir Kü.
Ma. iestat/zū Iren Landten vnd Vnnderthannen/tregt/mit
gnaden zūerkennen geben.

Nemlich/das Jr Kū. Ma. zūvordist wol vnd gnediglich
bedächte/die generligchait vnd obligen/welche nit allain den
Niderösterreichischen/sonnder allen andern anstößennnden
Lanndten/auch gannzer Teütscher Nation/vnd gemainer
Christenhait/von dem Türgkhen khünfftiglich/wie bisheer
Bevor/vnd zū sorgen sein/zū entdegtken. Darneben auch Jr
Ma. vnuermügen/gegen der macht Semelts Türgkhen/vnd
die schwären vnerträglichen Costten vnd Aufgaben/von an-
fang vnd eingang Irer Maiestat Regierung/in menigerlay
weeg/besonderlich aber/vnd am höchsten/vmb Befridung/ver-
sicherung/Retzung vnd erhaltung willen/Irer Maiestat
Lanndtleüt/vnd Vnderthannen erlitten/zuerindern/wie dan
Jr Maiestat solhes alles hienor/allen Lanndtschafftten zū ge-
halltnen Lanndträgen/mer dan ainist genuessam/vnd gründt-
lich entdegtkt/vnd vertraut habe/Darzue wie die Lanndt-
schafftten vnd Vnderthannen/nu selbst aus jüngstem Beschehē
vnd gethanen zug/von dem Türgken/auch der schwären sorg-
feltigen Belegerung der Stat Wienn/das vnerhörlich grauf-
sam erschreghenlich wüettrihisch fürnemen/übung vnd that-
ten/des Türgkhen/zū verwüessung/verhörung vnd verder-
bung/aller Lanndt/vnd vertilligung Teütscher Nation/vnd
gannzer Christenhait/gestellt/vnd vnderstanden/dabey sein
grossen Gwalt/macht/Behenndigchait/geschwindigkeit/
vnd arglistigchait/in mer weg/in vnd mit der that/war geno-
men vnd befundten/Das deshalb/Jr Kū. Maiestat/vnnot-
türfftig angesehen/danon wider sonderliche anzeigen zū thun/
annderst/weder das/Jr Kū. Maiestat/mit allen gnaden/wel-
len ermant vnd begert haben/Das die selbigen widerumben
für handt genommen/über sehen/vnd in gedechtnuß vernewt
werden/mit neben Meldung/das Jr Kū. Maiestat vmb hilff
vnd beystandt auff yetz fürgenomen Reichstag/zū Regens-
spurg/Bey Römischer Kaiserlicher Maiestat. 7c. Unserm al-
ler gnedigisten Herrn/auch den Churfürsten/Fürsten/vnd
Ständen/des heyligen Reichs/vnd annder Christenlichen
heubter/vnd Potentaten in übung/gueter hoffnung/vnd trost
sein/Beslieplich mit ernnstlichem Ansuechen/zū ainem sölbem
fürnemen/diser Lanndtschafft/als die nu der not am negsten/
gelegen ist/hilff vnd zuethun/auff ertlich mainung vnd wege/

gestellt/alles mit vil mer/gnedigem Bericht vnd anzeigen/hie
weiter züerzelen on not.

Der Ausschüß vnd Gesanndten: auch ainer Lanndtschafft bewilli- gung betrachtung vnd beschluß.

Das alles der Lannd Ausschüß ain gemaine Ersame Landtschafft/nit allain Irer Kü. Maiestat/vnderthenigist zü wil-
faren/sonnder auch Ir Kü. May. vnd Vnns all selbst/vnns er-
leben/wesen/Leib/Weib/vnd Khinder/Leib/vnd guet/vnd zü-
vordruff/vnserm heiligen Glauben/vnd seligheit züerhalten/
pillich/trewlich betracht/vnd zü hertzen genomen/vnnd ainen
last vnd Pürdt nachuolgender Annschleg(die wol jnen/vnnd
jren Vnderthannen beschwerlich/aber waiger vnd pesser sein/
dann gannz verderben/der Sellen/Leib vnd Guets)
zü irer Rettung vnd gegenweer/ainhellig auff sich genomen/
gewilligt vnd zuegesagt haben/der getrewen mainung/ solhes
alles/zü Christenlicher notdurfft/vnd thainer andern gestallt
züerwendten/vnd aufzügeben/wie auch ain Lanndtschafft/
Vnns/als jren Verordentn/aufs höchst aufgelegt vn vertraut
hat/mit volmechtigem Beuelch vnd Gwallt/gedachter Anns-
schlag/güetlich/vnd wo das nit sein wolt/samdt vnnd neben
dem Herrn Lanndtmarschalchen/ernstlich vnd strenglich ein-
züziehen/Berürter gestallt/zübewaren/vnnd zü der sorglichen
not anzulegen/mit der nachuolgenden Küstung/daneben auf
zürichten/Vnd sein das die Annschleg.

Item das die Fürsten vnnd alle Prelaten/ Grauen/ Freyen/
Herren/Ritterschafft/vnd Adl/auch Burger Geistlich/ Bene-
ficiaten/Pharrer/vnd annder/so Kenndt vnd Güllt auff dem
Lanndt haben/Darjn auch all Phannndtschafften vnd thewff
auf widerthewff/nach Kü. Ma. zc. bewilligung/gleich gezo-
gen werden sollen/Dürch aus der selben Irer Ränndt vnnd
Güllten/nach jren Einlegen auff ain Jar lanng/gar vnd völ-
liglich raichen vnd geben/doch die Phannndtschaffter/ auch die
darneben Interesse/ Khewffer auff widerthewff/welche auff